



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Equitatus meo in curribus Pharaonis assimilatus te amica mea.

urn:nbn:de:hbz:466:1-34445

RVPERTI IN CANT. CAN. CA. I.

Bea. ueter
& te port.

Hæc enim causa principalis est effectiua beati-
tudinis, & sine hac beata non potuisset esse uel di-
ci. ¶ Attamen perseveranter & irrefragabiliter
dicimus: beatus uenter quæ portauit, & ubera
quæ suxisti & benedicimus, scientes quia hospi-
tium uentris sui, quod creatori suo præbuit, &
alimonia lactis sui, quod ori eius ministravit,
fide præciosa, & humilitate gratiosa communi-
uit, atque percarnauit, compleuit & custodiuit,
nullam habens unquam ignorantiam sui. Se-
quitur:

¶ Equitatus meo in curribus Pharaonis al-
simulauit te amica mea.

Equitatus
dñi uirga
Aaron.

¶ Hoc est, quod te nolo ignorare, & quod si rite
perpendis o amica mea, non ignoras te. Quis nã
fuit ille meus equitatus in curribus Pharaonis.
Vel quomodo in curribus Pharaonis? Magnũ &
mirũ spectaculum respicienti, inde currus Phara-
onis, hinc equitatum meum. Currus namq; Phara-
onis ualde multi, ferro armati, pleriq; etiã au-
ro uel argento insigniti fuerunt: equitatus autẽ
meus uirga una fuit, uirga Moysi & Aaron.

Exodi, 7.
&c.

Virga illa contra sublimes currus Pharaonis ta-
liter equitauit, hoc modo militauit. Primo, uer-
sa in colubrum deuorauit uirgas Magorum: de-
inde percussit aquas fluminis uertit in sanguinẽ de-
inde extensa super fluuios & super riuos ac palu-
des eduxit ranas super terram Aegypti, deinde
percussit puluerem terræ & facti sunt cyniphes
in hominibus & in iumentis, denique impleuit
domos Aegyptiorum muscis diuersi generis, de-
inde fecit ut morerentur omnia animalia Aeg-
yptiorum; & deinde facta sunt uulnera uesica

rum turgentium, deinde extensa in cœlum fecit tonitrua & grandinem mixtam igni ac discurrantia fulgura super terram Aegypti: deinde extensa super terram ascendere fecit locustam, & deuorauit omnem herbã quæ residua fuit graminis: deinde extensa in cœlum, fecit ut essent tenebræ horribiles in uniuersa terra Aegypti: nouissime eleuata super mare, uertit illud in siccũ, & diuisit aquam, & transierunt filij Israel per medium maris, iterumque reducta super mare, operuit aquis currus & equites cuncti exercitus Pharaonis. Recte ergo uirga talis dicitur equitatus domini, quæ contra tot currus & equites Pharaonis sola suffecit & uictoriam peregit.

Exo. 14

¶ Quomodo uel in quo tali equitatu meo amica mea assimilauit te? Videlicet in eo, quod posita coram domino uirga illa in tabernaculo testimonij, sequenti die inuenta est germinasse, & turgentibus gemmis eruperant flores, qui folijs dilatatis, in amygdala deformati sunt. Erant enim quidã similes istorum sodalium meorum, pro sacerdotio contendentes, & concilia sua trahentes aduersus Moysen & Aaron: sicut isti sodales mei, sacerdotium sibi uendicant, in carnibus taurorum & sanguinem hircorum, aduersus sacerdotium meum, sacerdotium æternum secundum ordinem Melchisedech iuramento firmatum. Dixi ego: Refer uirgam Aaron in tabernaculum testimonij, ut seruetur ibi in signum rebellium filiorum Israel, & quiescant quærelæ eorum a me, ne moriantur. Illi signo, illi equitatu meo assimilauit te amica mea. Sicut enim uirga illa, uirgas maleficorum &

Num. 17

Heb. 9.
Psal. 109.
Num. 17.

RVPER. IN CANTICA CAN. CA.I.
incantatorum deuorauit, & omnem superbiam
Aegyptiacam obtriuuit, ac deinde germinauit,
fronduit, floruit, & fructum protulit, non plan-
tata, non succo terræ animata, sed uirtute coele-
sti supra usum naturæ prouecta, sic tu pulcherri-
ma mulierum, amica mea, cūctam prauitatem
hæreticam interemisti, superbiam diaboli deieci-
sti, cōceptu florida, partu fructifera, uirgo in cō-
ceptu, incorrupta in partu, uirgo ante partum,
incorrupta post partum. Nonne igitur pulcher-
rima es mulierum? Vere pulcherrima.

¶ Pulchræ sunt genæ tuæ sicut turturis;
collum tuum sicut monilia.

Pulchræ
sunt genæ
tuæ.

¶ Pulchritudo tua pudicitia est, quæ multū ap-
paret & spectabiliter lucet in genis tuis, quia nō
foris uagaris oculis, sed sicut soliuaga & auis ca-
stissima turtur, solitudine delectaris, & solitari-
am te angelus inuenit atq; salutauit. Non ita pul-
chræ sunt genæ mulieris, qualem sapientia deno-
tat, ornatu (inquiens) meretricio præparata, ad
capiendas animas, garrula & uaga, quietis im-
paciens, nec ualens in domo consistere pedib. sur-
is. Verum ut taceā de eiusmodi, pudicarum o-
mnium uirginum, uiduarum atq; continentium
pudor siue pudicitia, religiositas aut uerecundia
tuis genis, tuis oculis comparata, non est uerecū-
dia, non est pudor, non est, aut uix meretur dici
pudicitia. ¶ Adde quod collum tuum sic est, si-
cut monilia. Sicut enim monilia muniūt matro-
narum pectora pudica, unde & dicuntur moni-
lia, eo q̄ pectus muniant, ne qs extraneus, id est,
impudicus manum suam injiciat, ita & collū tu

Monilia